

### Umsóknarfrestur

Umsóknarfrestur um grunnám við Háskóla Íslands er frá byrjun mars til og með **5. júní**. **Almennt inntökuskilyrði í HÍ** er stúdentspróf eða sambærilegt próf frá innlendum eða erlendum skóla. Sumar deildir hafa til viðbótar ákvæði um lágmarkseiningafjölda í ákveðnum námsgreinum framhaldsskóla. Sjá nánar um inntökuskilyrði. Hægt er að leita ráðgjafar og upplýsinga um námsval hjá [Náms- og starfsráðgjöf HÍ](#), á [vef skólans \(www.hi.is\)](#) og í [Kennsluskrá HÍ](#).

### Rafræn umsókn og samskiptagátt HÍ

[Rafræn umsókn](#) er á vef HÍ og er eingöngu tekið við rafrænum umsóknum. Með tilkomu nýs umsóknarforms þurfa allir umsækjendur að byrja á að stofna aðgang að **samskiptagátt HÍ**. Þar er skráð netfang og búíð til lykilorð og stofnaður aðgangur. Ef sótt er um oftari en einu sinni gildir einungis nýjasta umsóknin.

### Stúdentsprófsskírteini

Stúdentsprófsskírteini verða sótt rafrænt í Innu (nemendakerfi flestra framhaldsskóla) þar sem það er mögulegt. Umsækjendur þurfa að gefa HÍ heimild til að sækja skírteini í gegnum Innu og er það gert í umsókninni. Ef sá möguleiki kemur ekki upp í umsókn þá þarf að skila staðfestu afriti af stúdentsprófi á pappír (með undirritun og stimpli í lit frá skóla) til [Nemendaskrár, 3.hæð Háskólatorgs](#) eða á [Þjónustuborð Háskólatorgs](#). Hægt er að koma með frumrit og biðja starfsfólk um að ljósrita það og staðfesta gegn 350 kr. gjaldi. Ekki er hægt að veita heimild fyrir rafrænum skilum í Innu eftir að umsókn hefur verið send.

**Síðasti skiladagur stúdentsprófsskírteinis er 12. júní.**

### Afgreiðsla umsóknar

Eftir að umsókn hefur verið vistuð og innsend er hægt að fylgjast með afgreiðsluferlinu inni í umsókn í samskiptagáttinni, undir flípanum „Yfirlit námsleiða“. Á [upplýsingasíðu fyrir umsækjendur](#) er að finna ýmsar gagnlegar upplýsingar fyrir umsækjendur.

**Vinsamlegast athugið að svar við umsókn er einungis rafrænt inn í samskiptagáttinni.**

### Undanþága frá stúdentsprófi

Á skólaárinu 2020-2021 nýta ákveðnar deildir HÍ heimild til að veita undanþágur frá [formlegum inntökuskilyrðum](#) deilda. Breytilegt er eftir deildum hvort veittar eru undanþágur og hvort gerðar eru kröfur um sérstaka samsetningu eininga. Sótt er um nám með sama hætti og lýst er hér að ofan og umsóknarfrestur er sá sami, til og með **5. júní**. Við það er miðað að umsækjendur hafi lokið að lágmarki 100 einingum í framhaldsskóla og hafi umtalsverða starfsreynslu. Staðfest afrit (með undirritun og stimpli frá skóla) af námsferli úr framhaldsnámi og starfsvottorð þurfa að berast á pappír til Nemendaskrár fyrir **12. júní**.

### Skrásetningargjald

Ef umsókn er samþykkt mun krafa um [skrásetningargjaldið](#) birtast í netbanka umsækjanda ásamt rafrænu skjali. Geta þarf þess sérstaklega í umsókninni ef óskað er eftir að fá greiðsluseðil sendan á lögheimili. Skrásetningargjald HÍ er kr. 75.000 og er **eindagi gjaldsins 4. júlí**. Eftir eindaga fellur krafan niður og jafnframt vilyrði um skólavist.

[Nánari upplýsingar varðandi skrásetningargjöld Háskóla Íslands er að finna á heimasíðu skólans.](#)

**Skrásetningargjaldið er ekki endurgreitt, hætti stúdent námi.**

### Ugla: notandanafn og lykilorð

Sólarhring eftir að skrásetningargjaldið hefur verið greitt geta nýir nemendur við HÍ farið inn á [upplýsingasíðu fyrir umsækjendur](#). Þar skal smella á +Notandanafn og lykilorð fyrir samþykktu umsækjendur. Þar er hlekkur sem þú getur notað til að skrá þig inn í samskiptagátt HÍ með netfanginu og lykilorðinu sem að þú bjóst til þegar þú stofnaðir aðgang. Í gáttinni, undir flípanum „Yfirlit umsókna“ úthlutar þú þér notandanafni og lykilorði fyrir Uglu, innri vef HÍ. Nýja notandanafnið og lykilorðið virkjast á tveimur klukkustundum, að þeim tíma liðnum geta nemendur byrjað að nota Ugluna [www.ugla.hi.is](#).

### Inntökupróf (læknisfræði og sjúkraþjálfunarfræði)

Umsóknarfrestur í [inntökuprófi](#) er til og með **20. maí**. Eingöngu er tekið við rafrænum umsóknum í inntökupróf í læknisfræði og sjúkraþjálfunarfræði með því að fylla út rafræna umsókn. Greiða þarf próftökugjald, kr. 20.000 og mun krafa þar um birtast í netbanka umsækjanda, gjaldið er óendurkræft hætti umsækjandi við próftöku. Stúdentspróf eða annað sambærilegt próf er skilyrði fyrir próftöku. Í umsókn þarf að heimila HÍ að sækja skírteini í gegnum Innu. Ef sá möguleiki kemur ekki í umsókn þarf umsækjandi að skila staðfestu afriti á pappír af prófsskírteini eða staðfestingu um að stúdentsprófi muni verða lokið fyrir próftökudag, til Nemendaskrár HÍ, fyrir lok umsóknarfrests, **20. maí**. Nánari upplýsingar varðandi inntökuprófið má finna á [heimasíðu læknadeildar](#).